

Hakimu Wetu Asiyekosea,

Mjue Mungu wa baba yako, ukamtumikie kwa moyo wa ukamilifu, na kwa nia ya kumkubali; kwa kuwa Bwana hutafuta tafuta mioyo yote, na kuyatambua mioyo yote ya fikira. 1 Nyakati 28:9.

Katika ufahamu Wake, Bwana ni mkalifu na hakosei. Anaelewa ufanyaji kazi wa akili za mwanadamu, kanuni zinazotenda kazi za wakala wa kibinadamu. Yeye ndiye aliyezianzishaa, jinsi watakavyoathiriwa na kile kinachokuja mbele zao, na jinsi watakavyotenda katika kila jaribu litakalowakabili na katika mazingira yote watakayowekwa. “Kwa maana njia za wanadamu zi mbele ya macho ya BWANA, Na mienendo yake yote huitafakari.” (Mithali 5:21). “Macho ya BWANA yako kila mahali.” (Mithali 15:3). “Maana anatazama hata miisho ya nchi, Na kuona chini ya mbingu nzima.” (Ayubu 28:24). “Kwa kuwa Bwana hutafuta tafuta mioyo yote, na kuyatambua mioyo yote ya fikira” (1 Nyakati 28:9).

Anajua mambo yanayotujia akilini mwetu, kila jambo... Mungu huwahurumia maskini, roho zinazojidanganya na kukanyaga kweli Yake. Acha ngano na magugu vikue pamoja hadi wakati wa mavuno. Wahurumie na kuwasikitikia upofu wa akili za wale walio chini ya utawala wa Shetani, lakini zuia ghadhabu na hisia zako wala usiwahukumu. Waache mikononi mwa Mungu wale wanaotweza kweli Yake. Haki na uhuru wa kuwahukumu wengine havikuwekwa kwako. Musa hakupewa ruhusa ya kutangaza hukumu kwa Wana wa Israeli walioasi. Udhaifu dhahiri wa mawakala Wake, kama uliooneshwa na Musa, utapokea thawabu yake...

Watumishi wa Mungu wataendelea kubeba lawama za kuwa wataabishaji wa Israeli, lakini hawana uhuru wa kufanya madai hayo kuwa kweli. Usiende katika vikao vya wenye mizaha, usikae pamoja na wabezao, kaa mbali na mikutano ya wale watakaokufanya kuwepo kwako kuwa fursa ya kuzungumza nawe mambo ya kudhalilisha na kuifedhehesha imani yako. Usiwe na mabishano nao. Hautakiwi kutofanya hivyo na wanadamu tu, lakini pia na Shetani na masinagogi yake. mnapolazimika kukutana nao, kumbuka maneno ya Mwokozi, “Angalieni, Mimi nawatuma kama kondoo kati ya mbwa mwitu.” Bwana anapaswa kuwa tegemeo lako; atakuvika vazi takatifu na Roho Wake Mtakatifu ataishawishi akili na moyo wako ili isishawishiwe na sauti za Mbwa mwitu.

Hatupaswi kusahau kamwe kuwa tunamwakilisha Kristo. Tusitumie silaha za kimwili wakati watu wasioamini na waliopotoka wanapokuja kati yetu... Maneno yasiyo mema au yasiyo na staha, kujihami au kushambulia yasitoke vinywani mwetu wala kuonekana katika maandishi yetu. “Na huku ndiko kushinda kuushindako ulimwengu, hiyo imani yetu.” (1 Yohana 5:4) (Letter 18, 1895).